

成唯識論述記

成唯識論述記卷第三十六 論文卷六之三

唐京兆大慈恩寺沙門窺基撰

如是已說善位心所煩惱心所其相云何

別解六位諸心所中辨三門訖此當第四初結前問後如文可知次舉頌等

頌曰煩惱謂貪瞋癡慢疑惡見

百法等說癡居慢後顯通利鈍徧上下故此明不善根故在慢上

△下長行釋釋中有三第一辨煩惱得名解頌上二字第二出體業釋頌謂以下文第三諸門廣辨明

此六義。

論曰。此食等六性是根本煩惱攝。故得煩惱名。

此釋總名。謂食等六。是隨煩惱之根本故。雖復亦得名隨煩惱。而根本攝。非唯等流性得煩惱名。不名隨煩惱。雜集第七說。諸煩惱皆隨煩惱。有隨煩惱而非煩惱。由此卽顯根本名煩惱。亦得名隨。亦隨他生故。忿等但名隨。不名煩惱。非根本故。

云何爲食。於有有具染著爲性。能障無貪。生苦爲業。自下第二門也。釋六爲六。於中各二。初出體業。後逐難辨。云何等者。雙問體業。於有有具等卽皆雙。

答。然有難處。論覆成之。於有者。謂後有。卽唯異熟  
三有果也。有具者。卽中有并煩惱業及器世等三  
有具故。或無漏法。論下文說。與見等俱。緣無漏起  
緣生貪者。皆名有具。薩婆多師。緣無漏貪。是善法  
欲。今大乘說。愛佛貪滅。皆染汙收。與見俱生。緣無  
漏起。故無漏法。能資長有。亦名有具。五十八等。不  
說此貪緣無漏者。下文自會。

謂由愛力取蘊生故。

若發業若潤生。皆令取蘊生。非謂唯潤惑。上二界  
中。由愛靜慮等故。彼諸煩惱。因此增長。亦取蘊生。

大論第八五十五及五十八顯揚五蘊對法皆廣說貪相。然大論第八同此。

云何爲瞋。於苦苦具憎恚爲性。能障無瞋。不安隱性。惡行所依爲業。

於苦苦具者。苦卽三苦。皆生於瞋。憎唯苦受。樂受乖離。瞋亦依之生故。苦具者。一切有漏及無漏法。但能生苦者。皆是苦具。依之瞋生。問。有漏順苦法。可名爲苦具。無漏不順苦。如何名苦具。答。隨順苦具。無漏卽非。緣生於苦。無漏亦是。故邪見等。謗無漏。無招惡趣苦。又五十八。迷滅道諦。瞋亦親。憎嫉。

滅道故亦說無漏爲苦具也。對法等論但言苦具不知是何惑者。云之唯有漏法。此不然矣。大論第八同也。五十八云有四。謂他見有情於所愛不饒益於非愛作饒益。上但緣取生。然彼尙局。據重處語。顯揚亦說。但緣有情據業道重語。非於餘無瞋。謂瞋必令身心熱惱。起諸惡業。不善性故。

瞋必起業。不善性攝。發惡業者必不善故。意識爲轉。五識爲隨轉。如大論第一。說不安者。不安靜也。對法云。心懷憎恚多住苦故。此瞋與惡行不安爲所依也。

云何爲癡。於諸理事迷闇爲性。能障無癡一切雜染所依爲業。

於理事者。謂獨頭無明迷理相應等亦迷事也。

謂由無明起疑邪見貪等煩惱隨煩惱業能招後生雜染法故。

此釋前業。謂由無明於諦等猶豫邪見撥無後餘貪等次第生起造諸惡業。乃復招後生諸雜染也。此中所謂見道無明生起次第。然修道者不必起疑及邪定故。謂由無明起貪等故。造人天業。招後生染。然對法中以邪見者無明增故。說邪定爲先。

後方有疑。然生次第此文爲正。五十八云。有四種愚。乃至相應不共。然第五卷第七識中已分別訖。此略不說。然諸論貪瞋之後卽次說慢。此中但以不善根同。次說無明。瑜伽第五十八及第八皆見爲首。以利惑故。復七種無知等相攝。如大論第九緣起經等說。

云何爲慢。恃己於他。高舉爲性。能障不慢。生苦爲業。能障不慢。不慢者何。如善中說。

謂若有慢。於德有德。心不謙下。由此生死輪轉無窮。受諸苦故。



於勝德法及有德者。心不謙下。故受眾苦。顯令厭捨。勿復輪迴。然對法中。但由有我。故心高舉。此中所謂我見相應及等流生。或遠從根本說。

此慢差別有七九種。謂於三品我德處生。

有七九種。不過於五法上生。謂上中下三品及我辨勝德處生。此義云何。如五蘊論說。謂七慢中。於下品及中品起第一慢。謂於劣計已勝。於等計已等。於中品於上品起過慢。謂於等計已勝。於等勝計已等。於上品起慢過慢。謂於勝計已勝。於我蘊起我慢。自恃高舉。於未證勝德起增上慢。雖得少

分於所未得。謂己已得。於上品起卑慢。謂他多分勝己。謂己少分不及。於己無德。謂己有德。起邪慢。此邪慢者。全無謂有。其增上慢。已得少勝。謂多殊勝。此卽二別也。然於三品起四。於我起一。於德起二。於五處起七慢也。九慢者。大乘中不見文。顯揚第一云。如經說三慢類。我勝我等。我劣慢類。婆沙等第一百九十九及俱舍第十九。說有九慢。前三爲三。有勝有等有劣爲三。無勝無等無劣爲三。過慢慢卑慢。如次初三。卑慢慢過慢。如次中三。慢慢過慢慢卑慢。如次後三。依本論及品類足兩說大廣然。

九依我見後生三品處起。此與諸見相應無失。

一切皆通見修所斷。聖位我慢既得現行。慢類由斯起亦無失。

彼小乘中通見修斷。聖有而不行。無修道我慢故。今大乘修道既得有我慢。是故聖者現行。顯揚及八十八等云。七慢或俱生。或分別。故知九慢修起無失。五十八稍廣作差別說。

云何爲疑。於諸諦理猶豫爲性。能障不疑善品爲業。謂猶豫者善不生故。

此中說疑迷於諦理。猶豫五十八中依五相別。謂

他世作用因果諦實。此中言諦亦攝彼盡。如理應思。卽緣理事俱是疑也。然疑机爲人。非此疑惑。或異熟心等。

有義此疑以慧爲體。猶豫簡擇說爲疑故。

以慧爲體。何以故。大論說猶豫簡擇說爲疑也。大論第八。異覺爲體。覺卽是慧。決斷名慧。然簡擇猶豫異決斷。覺說爲疑故。此以文證。又訓釋中。

毘助末底是疑義故。末底般若義無異故。

所謂末底是慧異名。與般若無別體。於慧上加毘字助之。毘是種種義。卽種種慧也。大論言異慧疑。

異者是種種義。故知疑體卽慧。以末底般若俱慧異名。以毘助之。豈別有體。此是大乘異師。非是別部。

有義此疑別有自體。令慧不決。非卽慧故。

別有自體。然說猶豫簡擇者。由同時疑。或異時疑。令慧不決。故非是慧。

瑜伽論說。六煩惱中見世俗有。卽慧分故。餘是實有。別有性故。

五十五說。六煩惱中見是世俗有。又彼自釋言。卽慧分故。餘五實有。彼亦自釋。別有性故。故知疑體

非卽是慧。若卽慧者。應同五見。說世俗有。應立量云。疑體非卽慧。六煩惱中不說世俗有故。如貪等四。

毘助末底。執慧爲疑。毘助若南。智應爲識。

訓釋辭中。汝以末底是慧。毘助之故。說慧體爲疑。亦應若南是智。毘助之故。說智爲識。毘是種種義。由助智故。變名爲識體。非卽智。何以助末底疑體卽慧。又如職吉蹉。是治療義。毘職吉蹉。是疑義。豈以毘言助之。疑體卽治療。

界由助力義。便轉變。是故此疑非慧爲體。

又旦末底等字是界。界是性義。由毘字是緣。緣助界力。義便轉變。何爲緣助界已。體尙是舊。故此疑非卽慧。此師說疑與顯揚對法同也。

云何惡見。於諸諦理顛倒推度。染慧爲性。能障善見。招苦爲業。

文中有二。初總次別。若善惡相翻。惡唯不善。若毀責名惡。惡通有覆。今此五見名爲惡者。毀訾名故。於諸諦理顛倒推度者。卽唯迷理。雖緣有親疎。迷理義等故。

謂惡見者多受苦故。

此釋前業。謂於欲界唯除俱生發招苦處業。是分  
別惑故。故惡見者多生於苦。此乃總釋。然別說者。  
此見行相差別有五。

此總標舉。

一薩迦耶見。謂於五取蘊執我我所。一切見趣所依  
爲業。

下別釋有四。合二取故。梵云薩迦耶達利瑟致。經  
部師云。薩是僞義。迦耶是身。達利瑟致是見。身是  
聚義。卽聚集假。應言緣聚身起見。名僞身見。佛遮  
當來薩婆多等執爲有身見者。故說薩僞言。雖一



薩言亦目於有。然今說是思誕提底薩義。故薩言表僞。薩婆多云。薩是有義。迦耶等如前。雖是聚身。而是實有。身者自體之異名。應言自體見。佛遮當來經部師等說爲僞身見者。故說薩有言。雖一薩言。亦目於僞。今者應言阿悉提底薩義。故薩言表有。大乘應言。僧吃爛底薩。便成移轉。由此薩迦耶見。大小別說。薩婆多名有身見。經部名虛僞身見。今大乘意。心上所現似我之相體。非實有。是假法故也。又體非全無。依他起性。成所緣緣故。旣非實有。亦非虛僞。唯是依他移轉之法。我之所依。又依

所執可言虛僞。依所變相可言爲有。非如餘宗定實定僞。故名移轉。此兼我所不唯我見。或總緣蘊。或別緣蘊。分別俱生。或許總別緣。如顯揚第一說。然俱生中。如第七識。唯計心爲我。故雖不如分別起者。簡擇別緣蘊。亦任運別緣。故然。以此我見爲所依本。諸見得生。故名一切見趣所依。趣者。況也。或所歸處也。

此見差別有二十句。六十五等分別起攝。

謂二十句者。對法第一云。謂如計色是我。我有色。色屬我。我在色中。一蘊有四。五蘊二十句也。卽二

十句中五是我見。十五是我所見。何以五我見。十五我所者。以相應我所隨逐我所。不離我所。故十五種是我所也。如對法第一。自有問答廣解。分別行緣蘊。不分別所起處。故有二十句。分別行緣蘊。行謂行相。是我我所之行相也。所者我所。如但於色蘊分別其我我所行相。不分別此所說我所之所起處。我所必依我見後起。此於色蘊所說三所。不分別言此之我所。依計何蘊爲我。此從彼起。但總分別我我所行。問亦不分別計色之我。是何我所之所從起。何但說言不分別所。答我爲根本。不

從他起。言色是我。已分別訖。不是不分別其所起處。我所必依我見後起。故不同也。其六十二見等。準此應知。六十五者。婆沙雜蘊第一。世第一品末。第十卷約蘊約界處等分別。此言等者。等處等界也。謂如以色爲我。於餘四蘊各有三。所謂是我。瓔珞我。僮僕我。器。卽有十二。色爲一我。卽總十三也。如是五蘊有六十我所。五我見也。此皆分別行緣蘊。亦分別所起處。又此是分別所起。非是俱生。俱生之我不別計。故以何爲證。五十八說二十句。薩迦耶見。皆見苦斷。唯依分別。不依俱生。六十五見。

雖無正文。準二十句亦唯分別。此皆作意分別。行緣蘊等。方始生故。然總緣蘊爲我。亦通分別者。如顯揚說。此依一切異生爲論。非依一人有此諸見。二邊執見。謂卽於彼隨執斷常障處中行。出離爲業。謂由於前我見執我已隨此我見後執爲斷常。謂緣前所緣爲境。障非斷常說有因果處中行。道諦及出離滅諦。然此是總。

此見差別。諸見趣中。有執前際四徧常論。一分常論。及計後際有想十六無想俱非。各有八論。七斷滅論等。分別趣攝。

此下別說。然此邊見攝六十二見中。四十七見。謂四徧常。乃至俱非。已來四十見。是常見。七斷滅論。是斷見。皆意緣。我有常斷故。言等者。等取十四。不可記事中。四常等是常見。無常等是斷見。除邊等四。彼是邪見。如來死後。四中亦有等是常。非有等是斷。命異身一等是我見。又徧常一分常等有緣他界。爲斷等是他界。緣中廣說。此六十二見。唯分別起。五十八說故。彼文又說。緣梵王常是邪見。非我見後生。今此我見後生。是邊見攝。又此邊見。此論下文。除總緣蘊餘。非他界緣。設從我見後生。如

何緣梵王常等是邊見。邊見根本亦分別我見。如何別緣我見。亦緣他界生。如下他界緣中及別抄等會。應審推度六十二見。如梵網六十二見。經長阿含第十四梵動品。婆沙第一百九十九。二百卷。瑜伽第六第七第八第五十八第八十七等廣解。今言見趣者。趣謂意趣。或是所趣。或謂趣況。言前際者。此依過去起分別見。名爲前際。依未來起分別見。名爲後際。若依現在起分別見。此卽不定。或名前際。未來前故。未來因故。或名後際。過去後故。過去果故。四徧常論者。一由能憶二十成壞劫彼

便執我世間俱常。由隱顯故。二由能憶四十成壞劫。彼便執我世間俱常。三由能憶八十成壞劫。便執爲常。四由天眼見諸有情死時生時諸蘊相續。彼便執我世間俱常。四中前三由依靜慮起。宿住通有上中下。第四由依天眼所見。此見道斷卽有見道常見。亦他界緣。緣三界法。並是常故。然依定後起。可通上界繫。雖三界合緣。仍隨所應界地所繫。以獨影故。唯從見說。四一分常論。一從梵天沒來生此間得。宿住通作如是執。我等皆是梵王所化。梵王是常。我等無常。二聞梵王有如是見等大



種常心無常。或翻此說。同彼忍者。或住梵世。乃至或是展轉聞。如是道理。我以梵王爲量。信其所言。是故世間一分常住。三有先從戲忘天沒來生此間。得通起執。在彼諸天不極戲等。在彼常住。我等無常。四有從意憤天沒。乃至如前。此天住處。文如前已說。此四由執大梵。大種。或心戲忘憤恚四事而起。此之八見。依前際起。以色界之我。緣自地爲我。或以下界我見計梵王爲他我。故計一分常常見所攝。不爾。應非邊見所攝。但不得緣他地諸法爲其自我。他我許故。其全常等理不相違。設自身

我亦在中故。如何全常。一分邊見緣上下生。一分常者是常見。無常者是何見。此雖非斷。然堅執發亦是染汙。非五見攝。但是染慧。又解邪見所攝。此不同於不可記事。是斷見攝。彼言無常。意說斷故。前解爲勝。不說一分通邪見故。及計後際有想十六者。初四見依三見立。一命者卽身。二命者異身。三此總是我。徧滿無二。無異無缺。依第一見立。第一。我有色死後有想。以執色爲我。故名我有色。取諸法想。說名有想。在欲界全。色界一分。除無想天。許無色界亦有色者。此亦在彼前三無色。此有想。

故不在後一。依第二見。故立第二我無色。死後有想。執無色蘊爲我等。其釋名等。如論應知。此在欲界乃至無所有處。除無想天。依第三見。立第三我亦有色。我亦無色。死後有想。執五蘊爲我。乃至廣說。在欲界全。乃至廣說。第四我非有色非無色。死後有想。卽遮第三。無別依見。如是四種。或依尋伺。或依等至。皆容得起。次四見。一執我有邊。死後有想。若執色爲我。體有分限。或在身中。如指節量等。乃至廣說。非色爲我。亦有分限。所依所緣有分限。故此在欲界全。色界一分。無色有色等。如前說。二

執我無邊死後有想。若執色爲我徧一切處。此所不知。皆謂爲有。非其所見。能知無邊。三千界等有分限。故下準此解。以其智慮不知邊際。名爲無邊。非遠知也。餘如前說。三執我亦有邊。亦無邊。死後有想。瑜伽第六云。執我隨身。或舒或卷。其量不定。身無量等。我亦無量等。餘義準上。四執我非有邊。非無邊。卽遮第三。此四依尋伺等。至皆起。次四依想異。一我有一想。二我有種種想。三我有少想。四我有無量想。次四依受。一我純有樂。死後有想。二我純有苦。死後有想。三我純有苦有樂。死後有想。

四我純無苦無樂死後有想一想者在前三無色種種想在欲色界除無想天少想者執少色爲我等想爲我所等我與彼合名爲少想在欲色界除無想天無色界如前說無量想者執無量色爲我等想爲我所等如前說乃至廣如彼論如是四種尋伺等至皆容得起純有樂有想者在前三靜慮乃至廣說純有苦有想者在地獄中有苦有樂有想者在畜生鬼界人及欲天無苦無樂有想者在第四定以上尋伺等至皆容得起無想八論者有色等四有邊等四有色等四者一我有色死後無

想執色爲我得無想定。見他得定。生彼作如是計。等。二我無色死後無想。執命根爲我得無想定等。乃至廣說。三執我亦有色亦無色死後無想。執色命根爲我於此二中起一我想。乃至廣說。四執我非有色非無色死後無想。卽遮第三。無別有物等。至尋伺皆容有起有邊等四者。一執我有邊死後無想。執色爲我其量狹少等得無想定等。乃至廣說。二執我無邊死後無想。執色爲我徧一切處等。乃至廣說。三執我亦有邊亦無邊死後無想。執色爲我或卷或舒。乃至廣說。四執我非有邊非無邊。

死後無想。遮第三說。等至尋伺皆容得起。俱非有  
入者。有色等四。有邊等四。一執我有色死後非有  
想。非無想。執色爲我。見諸有情。入非想。非非想定。  
想不明了。作如是執。唯尋伺非得定。乃至廣說。二  
執我無色。死後如前。執無色蘊爲我等。入非想。非  
非想定。不明了。故作如是執。乃至廣說。非等至。唯  
尋伺起。三執我亦有色亦無色。死後如前。執色無  
色爲我。見諸有情。想不明了。作如是執。唯尋伺者。  
乃至廣說。四執我非有色非無色爲我。死後如前。  
遮第三是有邊等四者。一執我有邊。死後非有想。

非無想乃至第四執我非有邊非無邊死後非有  
想非無想如是一切皆執無色爲我已得非想非  
非想處定容有此執一由彼定時分促故以一一  
蘊爲所緣執我有邊二由彼定時分長故總以四  
蘊爲所緣執我無邊三由彼定時分或短或長或  
一一蘊或總爲我故成第三句第四卽遮說故以  
上常見攝七斷滅論者一我有色蘊四大種所造  
爲性死後斷滅畢竟無有見身死後有而無故若  
自若他之我皆以麤大種所造死後斷滅現在此  
身亦得後生他身亦得後皆準此二我欲界天死



後斷滅三我色界天死後斷滅四我空無邊處死  
後斷滅五我識處死後斷滅六我無所有處死後  
斷滅七我非想非非想處死後斷滅此中後四執  
彼彼地爲生死頂故有想已下見皆依死後故名  
後際得問何故不說色界別地乃說欲界爲二無  
色爲四耶答據實而言依一一地處各有斷滅論  
然彼本計無色無形修定加行難可得成彼定若  
起必是加行以更不見有上地法乃別計斷滅色  
界有形加行易起可見後地法不別計爲斷滅但  
約總界說爲斷滅其實地地皆有欲界之中人天

趣異故別別開論實處處皆別起斷若廣分別如毘婆沙其等等十四不可記事中無常斷見如前已說

三邪見謂謗因果作用實事及非四見諸餘邪執如增上緣名義徧故

謗因者謂對法云謂無施與無愛樂無祠祀無妙行無惡行等謗果者謂無妙行及惡行業所招異熟謗作用者無此世間無彼世間無母無父無他生有情等謗實事者謂無世間真阿羅漢等及四見外餘邪分別卽對法說言謂餘一切分別倒見

五十八說此有二種。一增益謂餘四見二損減。此  
謗因等名損減。故對法云。一多分是損減見。卽有  
邊等是增益見。卽無因論等是損減等。謗因果等  
對法第一。瑜伽第八。五十八並相違。如別抄會。然  
此見寬如增上緣。餘所不攝。皆此攝故。一者名寬  
不正名邪。一切不正見。皆此所攝。二者義徧。諸邪  
解者。皆入此攝。

此見差別。諸見趣中。有執前際。二無因論。四有邊等。  
不死矯亂。

二無因者。一從無想天沒來生此間得宿住通不

能憶彼出心已前所有諸位。便執諸法本因無而起。諸法如我亦應一切本無而生。便執我及世間無因而起。二由尋伺不憶前身作如是執無因而起。乃至廣說。如是二見由無想天戲忘尋伺二事而起。問。此中何故但說二無因。亦有不知欲界乃至第四定以前多身應計無因故。答。據實亦有地地不知因所從起。執無因者。但宿住通無想沒顯。但說其一。又約一生卻尋無想出心已前微細位難見。故彼計無因。餘地前生因麤易見。故不計無因。四有邊者。一由一向能憶下至無間地獄上至

第四靜慮天。執我於中。悉皆徧滿。便作是念。過此有我。我應能見。故知有邊。二由一向能憶。傍無邊。執我徧滿。故執無邊。三由能憶。下上如初。近遠。傍如第二。不得邊際。於上下起有邊想。於傍起無邊想。四由能憶。壞劫分位。便生非有邊。非無邊想。諸器世間。無所得故。此四皆憶成壞劫。故得說前際。四不死。矯亂者。不死謂天。以天長壽。外道執爲常住不死。由答不死。天無亂問。故得生彼天。今毀之言。名爲矯亂。一念我不知善不善等。有餘問。我不得定答。我若定答。勿他鑒我無知。因卽輕笑我。於

天秘密義不應皆說等。二行諂曲者。作是思惟。非我淨天一切隱密。皆許記別。謂自所證及修淨道。故作如前語。三懷恐怖而無記別。勿我昧劣爲他所知。由是因緣。不得解脫。以此爲室。而自安處。懷恐怖故。如前廣說。四有愚慙。專修止行。不能矯言。但作是思。諸有問我。我當返詰。隨彼所問。我當一切隨言無減。而印順之。此待未來。亦名前際。然於現轉。又四皆緣先所聞教。皆前際攝。此四第一恐怖無知。二行諂曲。三懷恐怖。四爲愚慙而起。及計後際五現涅槃。

一見現在受。若人天五欲樂。便謂涅槃。二厭五欲。現住初定。以爲涅槃。引在身中。名爲得樂。見他現在住定。亦爾。下皆準知。三厭欲尋伺。故現住第二定。以爲涅槃。四厭諸欲。尋伺喜。故現住第三定。以爲涅槃。五厭諸欲。乃至入出息。現住第四定。以爲涅槃。待過去。故名爲後際。又此執我。現既有樂。後亦有樂。故後際攝。現樂爲先。執後樂故。總名現法。然於無色。不計涅槃者。以樂怡悅輕微。不及色界。故此中且據地全作法。據實無色及欲天等處。各有計爲涅槃者。前之斷滅。人天別開。今此涅槃人。

天合者。彼依我後。別起斷故。此總計涅槃故。合之也。此等皆不依我見起。故邪見攝。

或計自在世主。釋梵及餘物類。常恆不易。

自在者。自在天也。世主。卽是自在天。爲世間主。釋謂帝釋。梵謂梵王。餘物類者。謂自性等。此未得定。及已得定。不計後爲我。但計彼爲常故。皆是邪見。不緣我有斷常故。問。無不得彼定。別計彼爲我。世間不計他地爲我故。若設許得彼定。得起上惑。此我見緣彼爲我。我身在此。未有色界法。計何爲我。答。緣欲界身計有我。亦是我見緣他地起。然有



義者。謂欲界我見總緣現身爲我。卽通有色界法。此我見是總緣故。得緣他地。若別計一色等爲我。卽無他地緣。下論說然。此義應思。此計自在等如五十八是計苦諦下邪見。

或計自在等是一切物因。或有橫計諸邪解脫。

卽一切物因。集諦邪見。然不計爲勝。設計爲勝。然非見戒及彼眷屬故。是邪見攝。非戒取攝。計諸邪解脫是滅諦下邪見。雖非勝計勝。然非見戒眷屬。又不計能得淨故。非見戒取。

或有妄執非道爲道。諸如是等。皆邪見攝。

計非道爲道。是道諦下邪見。雖非勝計勝。以非戒眷屬。非戒取。又不計爲勝。故非戒取。至下當知。諸如是等者。謂等取十四不可記中有邊等四。是此中攝故。然六十二見。準五十八文。若邊見中攝。唯苦諦斷緣。苦諦爲我增長。邊見隨我斷故。邪見中攝。彼自說二無因。唯集諦五現法涅槃。唯滅諦。迷有漏因。迷涅槃果故。邊無邊等四。是苦滅二諦下。迷有漏無漏果生故。不死矯亂。通四諦下斷問答。四諦及迷四諦故。旣無邊見中攝者。苦諦斷文。但準二十句見。見苦諦斷。卽六十二中所隨。我見亦

爾八十八云二十句見爲依發六十二見等故  
四見取謂於諸見及所依蘊執爲最勝能得清淨一  
切鬪諍所依爲業。

此於諸見卽餘一切惡見及此所依五蘊執爲最  
勝能得涅槃清淨法是見取由此各各互執爲勝  
諸見等故一切外道鬪諍因斯而起若執非見及  
眷屬外餘法爲勝得涅槃或但執爲勝非見取大  
論第五十八初文及迷四諦合與此同說如小乘  
俱舍等應言見等取但執非勝爲勝皆見取故此  
則不然無前後別計然於一聚見及眷屬方是此

故以所緣中見最勝故言等亦得至下當知。

五戒禁取。謂於隨順諸見戒禁及所依蘊執爲最勝。能得清淨。無利勤苦所依爲業。

謂依諸見所受戒說此戒爲勝。順諸見戒及戒所依五蘊眷屬執爲勝。及能得涅槃淨名戒取。戒卽是禁。戒性遮別。由此戒一切外道受持拔髮等。無利勤苦故。除戒及眷屬外。執餘一切法勝。及能爲因得清淨戒。雖不執勝。但言能爲因。並非戒取攝。亦大論五十八卷上下五處文同此說。故問如對法第一。大論第八二文顯揚第一。五蘊等皆云見。

取執爲最勝。不言能得淨。戒取名得淨。不言是勝。與小乘等同。何故此中乃言見執見眷屬爲最勝能淨。戒執戒眷屬爲勝能得淨。

然有處說執爲最勝名爲見取。執能得淨名戒取者。是影略說。或隨轉門。

此有二解。一影略說。謂見取中說執爲勝。明戒取中亦執爲勝。於戒取中執爲能淨。明見取中亦執爲能淨。欲令學者智見生故。影略說也。若不爾者。五十八說執見及所依蘊爲能得清淨解脫名見取。亦戒取亦然。及彼解迷四諦中。皆有此說。故知

影說。又彼多文。非爲盡理。隨小乘相說。

不爾。如何非滅計滅。非道計道。說爲邪見。非二取攝。若非影說。及隨轉者。卽五十八迷四諦中。如滅諦下。非滅計滅。非勝計勝。故應是見取。迷道諦中。非道計道。亦得淨。故應名戒取。彼非因計。因亦是邪見。如前邪見中說。旣是邪見。明不執見戒等故。及雖計勝。不計爲能得淨。及雖計能得。不計爲勝。故非見戒取。此大小二乘別也。若爾。何故大論第三三種四倒。見倒中云。非淨計淨。是見取。非樂計樂。是戒取。今釋之言。彼亦計諸見眷屬。不淨爲淨。及

能得淨故名見取。然文但明是見取故略不言諸見及眷屬能得淨。但言非淨計淨故戒取亦然。謂計戒所受拔髮等苦爲樂勝能得淨是戒取。略不言戒及眷屬能得淨。但言計苦爲樂也。若非見眷屬非淨爲淨及非戒眷屬非樂爲樂卽非見戒取。但是邪見也。如非道計道等諸門分別中大以十二門分別。若細者卽十五門。如是總別十煩惱中六通俱生及分別起任運思察俱得生故。

此初門中有二。初正分別。後異解釋。此等初也。若

總若別但有十種。一俱生分別。謂貪等六者鈍。四利。二通分別俱生。除疑三見任運起。故是俱生。思察生故。是分別。顯揚第一及大論第八皆云。此六通俱生分別故。

疑後三見。唯分別起。要由惡友及邪教力。自審思察。方得生故。

疑一。及邪見。見取戒取四法。唯分別起。諸論共同。要由惡友及邪教。自分別三緣生故。總聚而望。更無異說。

邊執見中通俱生者。有義唯斷常見相麤惡友等力。



方引生故。

下異解釋。初義有三。一標宗。二引教。三舉事。此初也。俱生唯有斷見。以常見相麤故。何謂相麤。要惡友邪教及自分別生故。謂要不達後有不無方起。我斷既得現觀。知生多少。何故乃執我斷非常。瑜伽等說。何邊執見是俱生耶。謂斷見攝學現觀者。起如是怖。今者我。我何所在耶。

此引教也。如瑜伽第八十八雜集第三及第七說。唯有斷見。故論言等觀我爲斷。知身後無準。此唯言修道斷見。不見修道常見相故。

故禽獸等若遇違緣皆恐我斷而起驚怖

此以世事釋成前義

有義彼論依麤相說理實俱生亦通常見

下文有三一會前標舉二引事三類教此初也修道俱生亦有常見瑜伽等依麤相說故何謂麤相謂得現觀者入無我觀已知分別我已斷訖出觀之時便生恐怖今者我我何所在耶卽初我者俱生我也又言我者分別我也修道我義言我分別我何所在耶依此初出觀時緣涅槃起恐怖斷見非修道中說無常見此如何等

謂禽獸等執我常存。熾然造集長時資具。

引事也。如禽獸等以執常存。故熾然造及集長時窟穴資具。集長時飲食資具。如恐我斷。定有俱生。此以事證以教成者。

故顯揚等諸論皆說於五取蘊執斷計常。或是俱生或分別起。

類教也。顯揚第一。大論第八說。故於五蘊計常斷通俱生分別。不簡俱生無常見。故釋現觀者。觀先所斷我無之時。但有斷見。故唯說斷。非預流等。許無常見。若爾。前師如何釋後所引文。此依總語。非

許常見亦通俱生。通俱生常見有何相狀。如禽獸造集。但爲有我。非爲計常。常必由邪分別等故。然此二說。初則文全理闕。後有文顯理全。俱生常見有相狀故。俱取無失。

成唯識論述記卷第三十六

成唯識論述記卷第三十七 論文卷六之四

唐京兆大慈恩寺沙門窺基撰

此十煩惱誰幾相應。

此下第二自類相應此問起已。

貪與瞋疑定不俱起。

答文有六一貪二瞋三慢四疑五見六癡爲首此  
初也。對法第六大論五十五五十八三說文同問。  
何以貪瞋不得俱起。

愛憎二境必不同故。

染憎不俱境既不同行相亦別以相違故若爾貪

俱憂苦相返。瞋俱樂喜爲例。亦爾。何得相應。愛迫二境。得俱起。故行相不違。故無此失。如下當知。於境不決。無染著故。

此釋愛疑不得俱起。愛境必決。疑必不定。故貪疑不俱。上說不俱。下說俱者。

貪與慢見。或得相應。

見卽五見。如對法第五。瑜伽五十五。貪與慢同。彼五十八。不得與慢相應。

所愛所陵境。非一故。說不俱起。所染所恃境。可同。故說得相應。

此解彼云。謂若於他起愛染者。必不陵彼。以境非同。行相亦別。故不俱起。然緣己身起愛名所染。與所恃之我慢等境。可一故。對法等說得相應。前約行相麤者。此約行相細者。如前第四卷第七識中。已多門解。

於五見境皆可愛故。貪與五見相應無失。

愛見二種。有時可同。皆可愛故。相應無失。諸論其同。無相違處。此中論言。說者有二義。一約此論自道理。可得說與彼相應義。二解說者。謂餘瑜伽等約此理。故說與俱起。又此言得相應。非謂一切恆

相應。有時俱起。故然。此中一行法。以第一問已。以第二問餘。捨第一不問。如是展轉已下可知。

瞋與慢疑。或得俱起。所瞋所恃境。非一故。說不相應。所蔑所憎境。可同故。說得俱起。

第二瞋爲首。瞋慢疑。有時或得俱起。如何不得。謂若內境慢所恃。已非瞋。所憎境不同故。對法第六五十八說。瞋不與慢相應。若外境之上。慢所陵蔑。瞋之所憎境。可同故。五十五說。瞋與慢得相應。又必不於自起。瞋後。瞋他復慢彼故。

初猶豫時。未憎彼故。說不俱起。久思不決。便憤發故。



說得相應。

釋與疑俱。又初疑時心尚輕未憎彼故。瑜伽五十五五十八俱說不相應。若久思不決心遂重故。便瞋於彼。對法第五說得瞋疑相應。此初後位別解。疑順違事隨應亦爾。

又順違事解。若疑順己之事或不起瞋。謂疑苦集諦。若疑違己之事便瞋於彼。說得相應。謂疑滅道諦。又若現行善疑未來無便與瞋俱。善法順己。行因無果故。若現行惡疑未來無便瞋不俱。惡法損己故。於順違二事各有俱不俱。故言隨應亦爾。

瞋與二取必不相應。執爲勝道。不憎彼故。

此必不俱。見取執爲勝。戒取執爲道。俱能得淨順己之境。不憎彼故。故不相應。諸論六煩惱明之。故無二取不俱起失。

此與三見。或得相應。於有樂蘊起身常見。不生憎故。說不相應。於有苦蘊起身常見。生憎恚故。說得俱起。瞋與三見。或得俱起。且身邊見。謂緣樂俱行蘊爲我及常見。不生瞋故。以順於己。對法約前二取及此故。說瞋非見俱。若於苦處緣苦俱行蘊爲我及常見。便生憎恚。云我何用此身。生憎恚故。瑜伽二

文依此一分說得俱起此通俱生分別如下無妨  
斷見翻此說瞋有無

斷見返此我見常見說瞋有無謂於樂俱蘊執爲  
斷得與瞋相應以恐失樂蘊故於苦俱蘊起斷便  
瞋不俱喜苦無故

邪見誹撥惡事好事如次說瞋或無或有

惡事好事邪見撥者如次說瞋或無或有謂撥惡  
事無便不與瞋俱喜苦無故撥樂蘊無便與瞋俱  
憎樂無故對法依三見一分二取全說不與瞋俱  
瑜伽約三見少分說瞋相應見爲一門明故

慢於境定。疑則不然。故慢與疑無相應義。

下第三慢爲首。與貪瞋說已。與疑定不俱。三論皆說。故境定不定。故不陵。不定境若疑彼勝負。必不敢慢。慢若起者。必自高。故境乃定也。

慢與五見皆容俱起。行相展轉不相違故。

此總明慢與見皆容俱起。行相俱高。緣順境起。不相違故。三處論皆同。總說見故。

然與斷見必不俱生。執我斷時。無陵恃故。

下別明斷見及慢。必不俱生。執我斷心定。無陵他而自恃故。

與身邪見一分亦爾。

準下憂俱。初師所說若約麤相慢多緣樂蘊生與緣苦俱蘊我見一分及邪見撥無苦集諦理一分不與慢俱起據實亦得。故下文說慢身邪見皆與憂俱。恃執苦劣故。今約麤相多分而解。若緣樂俱蘊爲我及撥無滅道可與慢俱故。恃已樂陵滅道故。

疑不審決與見相違故疑與見定不俱起。

下第四疑雖與慧俱與五見不俱起見審決疑豫豫行相相返故定不俱簡擇猶豫可說慧俱不審

明倫彙編 家範典 第三十一  
五  
決故不與見並。

五見展轉必不相應。非一心中有多慧故。

下第五五見自亦爾。非一心中有多慧故。此據法體並起。然前說第七識我見與別境慧俱者。約義別門說有名俱。非二體並起名俱也。

癡與九種皆定相應。諸煩惱生必由癡故。

下第六無明有二種。相應無明與一切俱起。一切惑生必由癡故。獨行不然。但與諸論相違。此中皆會訖。

此十煩惱何識相應。

此爲問起第三識相應門。

藏識全無。末那有四意識具十。五識唯三。謂貪瞋癡無分別故。由稱量等起慢等故。

第七八識如前已說。意識並有五識。但三以無分別。故無慢等。慢等必由有隨念計度分別生故。又由慢於稱量門起。方勝負故。疑猶豫簡擇門起。見推求門起。故非五識。故五識無此等行相。故對法第七說稱量等門。卽等猶豫門等也。

此十煩惱何受相應。

第四諸受相應門。此問起。

貪瞋癡三俱生分別。一切容與五受相應。

下文有二。初實義。後麤相。實義中有四。一明貪瞋癡二明慢三疑及三見。四身邊見。今初也。此之三根俱生分別。一切容與五受俱起。對法第七大論五十八。貪唯喜樂捨者。五十五云。此據多分相應道理。隨轉理門說諸煩惱。今據究竟應準此會。此與五十九同。彼云貪等通六識俱生者。與一切受相應。故分別貪等。彼一一自作法出行相。然今此中總解二種貪等行相。下逐難解之。與憂苦俱。謂別小乘故。



貪會違緣憂苦俱故。瞋遇順境喜樂俱故。

逐難釋也。且於欲界五六識中憂苦俱故。謂失財等。瞋翻此說。且怨死等一切應知。然此五趣分別至下當知。此中意說。卽五識中亦有分別所起貪等。由意分別貪等引故。不爾。瑜伽分別貪等云何。與苦受相應。非許意有苦是決定義。故由五識有分別起貪等決定。故五十九作此定說。不爾。如分別慢等。彼不言苦俱故。

有義俱生分別起慢容與非苦四受相應。恃苦劣蘊憂相應故。

第二明慢有二說。此初也。此二種慢五趣爲論。容四受俱。唯除苦受。由苦趣中亦恃己身有苦劣蘊起慢之時與憂相應。此依實義。慢與憂俱。前約相麤說慢不與身邪見一分俱。不恃苦蘊故。此唯意識故。通分別不同貪等苦得定說。

有義俱生亦苦俱起。意有苦受前已說故。

俱生之慢亦苦俱起。卽五受俱。由五十九文。意地俱生一切煩惱意識一切受相應故。如前已說。分別慢等純苦趣無彼無邪師邪教等故。

其地獄中與苦相應於總聚中但有得一切受相

應義非一切慢皆得相應。無分別慢等。卽等一切分別貪瞋癡疑邪見見戒取等。以無邪教邪師及邪思惟故。

然彼不造引惡趣業。要分別起能發彼故。

所以者何。五十九說要分別煩惱發惡趣業故。此據總報多分爲論。其別報者。修道亦發故。五十九分別慢等。不言與苦相應。下疑等。準此應知。故知前師。彼趣有分別煩惱。前生勢力故。卽造惡趣業也。與對法第七五十五違。此文皆如貪等會。疑後三見容四受俱。欲疑無苦等。亦喜受俱故。

第三明疑三見。三見謂見戒取邪見四受除苦隨  
意有無。唯是正義。以地獄無分別惑故。逐難解云。  
欲界之疑。先作惡行。疑無苦集諦等。亦喜受俱故。  
以後苦無故。上界卽無無惡行果故。上界疑與樂  
受俱故。此等皆通三界。總聚有處作法。故致極成  
之言。

二取若緣憂俱見等。爾時得與憂相應故。

若緣憂俱見戒及所依蘊爲勝能淨與憂相應故。  
憂其不速得涅槃等。此中皆同五十九說。彼文一  
一別廣作法指事。此逐難舉。

有義俱生身邊二見但與喜樂捨受相應非五識俱  
唯無記故。

第四明身邊二見有二說此初也身邊二見唯喜  
樂捨俱意無苦受非五識俱故無苦受此俱生者  
唯無記性不與憂相應憂二性故其憂二性如五  
十七二十二根性分別門俱生二見唯無記如五  
十八說。

分別二見容四受俱執苦俱蘊爲我我所常斷見翻  
此與憂相應故。

分別二見得四受俱在極苦處執苦俱蘊爲我我

所及常見者與憂相應境可憂故唯不善故斷見  
執樂俱蘊斷亦與憂俱故恐失樂故故言翻此喜  
樂等可知非在五識等故無苦俱義

有義二見若俱生者亦苦受俱純受苦處緣極苦蘊  
苦相應故

此第二師分別二見同前如地獄等極苦之處無  
此身邊分別見故俱生二見亦苦受俱在極苦處  
緣苦蘊故

論說俱生一切煩惱皆於三受現行可得廣說如前  
餘如前說

引論爲證。廣說如前五受諸趣分別。故知二見與苦俱故。不與憂俱。唯二性故。餘如前說。謂分別二見等同第一師。此中同五十九實義。二師俱不違。分別煩惱。二師皆同五十九說故。俱生煩惱。前師違五十九。彼無意苦受。身邊二見非一切受俱故。此依實義。隨麤相者。貪慢四見。樂喜捨俱。瞋唯苦憂捨受俱起。癡與五受皆得相應。邪見及疑四俱除苦。下明麤相有二。初直明俱後明俱地。此等初也。前據定得。今隨相麤。貪慢四見。行相唯欣。非憂苦俱。瞋唯憾行。唯苦憂捨俱。邪見及疑。行通欣憾。不說。

惡趣及非在五。故非苦俱。五十五說。此據多分相。應道理。行相相順故。如文可知。

貪癡俱樂。通下四地。餘七俱樂。除欲通三。疑獨行癡。欲唯憂捨。

下明俱地。如對法第七。初二定意有樂。故貪等亦樂俱。或初定三識與樂俱也。彼廣引證。捨受下三。定於一切相續。末位起故。此據六識。若第七恆相續故。下逐難配諸地論。貪癡與樂俱。通下四地。通六識故。除第四禪。以上除瞋。餘七俱樂。除欲界。欲界意識無樂受故。通次上三地。唯意識俱故。下逐



難釋疑雖許四受俱無明雖許五受俱疑在欲界  
唯憂捨俱不與喜俱者對法第七云於欲界不決  
定心未息喜不生故色界中疑疑上靜慮由喜樂  
定力所引持故亦得隨轉故彼喜樂俱獨行無明  
如疑理說故唯憂捨俱麤相苦樂欲界之中不在  
意故

餘受俱起如理應知

貪等與喜捨相應在何地五見及疑與餘喜受等  
相應在何地等皆令如理知故言餘受俱等逐難  
解已義之餘也

此與別境幾互相應。

此問起也。第五別境相應門。

貪瞋癡慢容五俱起。專注一境得有定故。

貪等四法得五數俱。逐難解之。此四專注一境得有定故。

疑及五見各容四俱。疑除勝解不決定故。見非慧俱不異慧故。

此之六法各容四俱。疑除勝解。境行相違故。見非慧俱。自體不並故。然疑行深。故定俱轉。此中不問俱生分別說皆同也。又問上來雖有容得或五或

四俱定得五四一時俱不如理應思此中且以別境問識問受不問徧行問五受別非徧行故故爲問也不問與善等性相應以後必問前故前不問後此應準知。

此十煩惱何性所攝。

此問起也第六性門。

瞋唯不善損自他故餘九通二。

瞋唯不善一性所攝不起卽已起必損自他現世他世皆名損故餘九通二此總言也。

上二界者唯無記攝定所伏故。

在上二界定唯無記。不問俱生分別皆爾。

若欲界繫分別起者。唯不善攝。發惡行故。若是俱生發惡行者。亦不善攝。損自他故。

欲界應分別。分別起者。唯不善。一向發惡行故。對法第四初。同此說故。俱生者有二。發惡業亦不善。瞋性定然。餘三少分損自他故。

餘無記攝。細不障善。非極損惱自他處故。

卽唯除瞋。二見定唯無記性攝。餘三一分。一由微細。二不障善。善位亦起故。如第七識俱者。三非極損自他。五十八說數現行故。并此四因。

當知俱生身邊二見唯無記攝不發惡業雖數現起不障善故。

重顯二見唯無記性不發惡業所以同前問此二見中亦有九品等也。答。或言無唯第九品故。或言有。如別抄會前解爲勝。若如後解如色界無記法體有九品故。

此十煩惱何界繫耶。瞋唯在欲餘通三界。

此下第七界分別門。瞋唯不善故但在欲。

生在下地未離下染上地煩惱不現在前要得彼地根本定者彼地煩惱容現前故。

子段第二上下相起門得上未至定未得起上煩惱卽未至定不通有染此中唯言得上根本定方起彼地煩惱等故若爾有不入根本而命終者若爲必無此者必得根本定或退方命終故又解當於此時欲界煩惱未究竟伏若皆斷盡方得起上非未至定無有染汙第九品時入根本定已斷欲九品盡得起未至惑方自在故由是若有第九不入根本定者亦不能起凡聖皆爾未自在故如求王位未自在時不作惡故若得已去自在卽起亦同婆沙二說一未至定無染二有染此無正文顯

揚第二淨染無漏定等中細勘無之。此中說起唯  
定煩惱。非生煩惱。或亦通生。如徧常等。

諸有漏道。雖不能伏。分別起惑及細俱生。而能伏除  
俱生麤惑。漸次證得上根本定。

此顯伏修於中麤者。除身邊見及此相應言漸次  
者。故顯非頓伏。

彼但迷事。依外門轉。散亂麤動。正障定故。

何以世間道伏修不伏見。修道所伏之惑。一但迷  
事生。二依外門轉。簡見道貪等唯緣內見等生故。  
三此所伏煩惱體散亂故。四麤動正障於定。定是

事觀事障障故有義此身見等既不能伏後越入聖得第三果如第七識欲界繫者亦不能斷要至金剛方能頓斷唯障無學故不同見惑正障見道及見理故此違第七卷滅定中文不許聖者伏下生上有種子故今解亦斷不可說以先不伏故卽言不斷見惑不伏入見斷故但有漏道既是事觀不伏理惑入現觀時理實亦斷雖無正文任意取捨於中復有二說一云見道起二無間一斷見惑起解脫道已復起無間斷前所伏修道之惑等已方起相見道二云由加行時先已伏故一無間道



與分別俱斷。此爲正義。

得彼定已。彼地分別俱生諸惑皆容現前。

下分別惑雖不能伏。得彼定已。得起上地分別起者。其修道我見等前雖不伏。今得彼定。如命終心得起上者緣未來生故。非計他地法爲我未離下染。何以不起上惑者。以相違故。恐相雜故。若爾見或得彼定已。下地繫者爲起不起。五十八言不伏見等。對法第五成就品言。若生欲界三界煩惱隨煩惱種子成就。故成就離此地染成彼地等。五十八亦言。生在下地得起上煩惱。不言未離染起上。

煩惱正與此同。如樞要說。

生在上地下地諸惑分別俱生皆容現起。

此結立宗。

生第四定中有中者。由謗解脫生地獄故。身在上地將生下時起下潤生俱生愛故。

對法第六得第四定增上慢比丘謂是第四果。既受中有已。卽色界身起下邪見。便謗釋種無有涅槃。以於今時後有起故。此有邪見及俱無明。或許有瞋。瞋涅槃故。既生地獄由邪見力。非色界邪見不招下苦故。非於欲界身起此邪見。彼言中有生。

時起故。色界中有欲界本有。如何見之。非定通力住散心故。非由起上邪見。爲緣欲界後報業熟。生那落迦。無別文證。古師多作此解。非也。亦非彼本有起此邪見。勢力遠故。無文說故。卽起下不善分別惑也。若爾。應下界行上無明發。此中邪見俱行。思卽是。又可爲難。以上行下無明發。已下例上亦然。如下緣生中。自當分別起潤生愛。生下亦是。卽是俱生無記煩惱也。此中應言。我見我愛及慢無明。無明愛定有。我見慢不定。未必俱故。所以不說。又例起故。此舉方隅。無違理失。下會五十八等文。

而言生上不起下者依多分說或隨轉門。

謂餘三見疑等不起下故。唯此二時起此等故。或隨轉門。順薩婆多故。起餘疑等。無正文說。然應如理思。所餘分別俱生之惑亦得起。不見斷瞋癡可有。修斷慢等亦有。餘不得起。唯潤生時起修斷惑。餘時不起。故不可起修斷之瞋及邊見二。無起相。故中有謗涅槃。便墮地獄。但可起瞋與邪見並時。節極短。不可起餘疑見取等。無起相故。若總說起。雖無正文遮無行相。故不可說起。唯得起下六。謂邪見瞋癡愛慢我見。餘四不可起。分別俱生隨其。

所應下之起上得起幾法。若唯定煩惱非生煩惱  
卽唯有五見。慢愛疑無明見卽見取。若并生煩惱  
我見潤生起亦無失。其戒取邪見邊見未見正文  
以理準者亦得二取可起。執上地法爲見戒可有  
起理。得宿住通計梵王爲常是邪見亦有此理。邊  
見可得。得宿住計全常等是上九煩惱。下皆可起。  
未見起斷見文。然約九地三界得起上幾許八地  
二界何者。今說色界若無色界互起上下如樞要  
說。此中幾是分別俱生亦應如理思。

下地煩惱亦緣上地。瑜伽等說欲界繫貪求上地生。

味上定故。

第三子門上下緣別。貪緣上者。一由味勝定。二由求生。此通見修六十二卷說五種愛緣上。此但舉一。但得緣故。顯揚等同。

既說瞋恚憎嫉滅道。亦應憎嫉離欲地故。

此唯見斷瞋恚緣滅道五十八文。此中爲例。瞋親迷滅道。亦應緣上地。以瞋緣事例於理故。深理尙然。何況淺事。

總緣諸行執我我所斷常慢者得緣上故。

總緣諸行起我我所斷常慢得上緣者。八十八說

世間道不伏身見。由此見故。於下上地所有俱行。和雜自體不觀差別。總計爲我及我所等。五十八云。其世間道得離修道貪欲瞋恚及彼隨法鄰近。憍慢等。故知與我見俱慢貪及邊見亦不伏。此與我見相鄰近故。八十八。以我見爲本略不說餘。此論中說。總緣行中不言貪者。略也。以別有論文。貪上緣故。和雜計爲我。卽上界種子等法也不計現行故。此第六識唯修所斷。或有異釋。見斷我見。如四全常亦得緣上。及以三界合緣爲我。除此不得緣別生故。

明言義理卷之三十一  
餘五緣上。其理極成。

謂貪疑邪見二取。對法第六與此同故。此中我見  
邊見及慢。唯舉總緣。瞋唯別緣。貪癡通總別。有義  
我見邊見。準六十二見一分常等。亦通別緣。而緣  
上者。慢雖無文。陵他所得。他得勝法。何妨見道所  
斷之慢。亦得緣上。又緣梵王一分常者。是上地我  
見。後生常見。得宿住智。緣起上界身邊見故。正義  
唯是上地所繫得宿住智。後方起故。

而有處言。貪瞋慢等不緣上者。依麤相說。或依別緣。  
對法第六五十八九等。貪瞋慢及我見不緣上。此



言等者。等取我見。彼依麤相說。麤相說卽小乘也。或麤顯行相。非巨細。巨細卽得。除此所說。或依別緣自身爲我。我見等不緣上故。或彼對法第六見緣上中。唯除我見。不除邊見。略也。邊見隨我見後生身見。不緣邊見。應爾。故五十八迷苦諦等中云。緣大梵等。爲有情。常是迷苦邪見。卽下界邪見緣。上界不起。彼卷初云。六十二見。全常等是常見。卽依薩迦耶見。後生故。如前已說。是他地邊見。隨計他地我見。後生故。分別我見。得定已去。起上法故。此中例邊。同於我見。必依起故。此解爲勝。

不見世間執他地法爲我等故。邊見必依身見起故。  
一解云。無有見道別緣我見。有計他地現行爲我。  
以別緣者。見所斷故。邊見亦爾。依彼起故。今此所  
解一分常等。隨於色界繫我後而生。此極有理。然  
此正是得彼定者。依宿住通執爲彼常故。如所說  
依尋伺者。未得上定。不起上我見。如何起常故。如  
前說。今此又解。應言。但是欲界所繫自身之我。不  
許別緣計他地法爲自內我。計他之我。理亦不遮。  
故於此後起常見等。是邊見攝。不爾。此義道理難  
思。文中但舉修道總緣我見爲他界緣。理準亦有。

見道所斷別緣我見計他地法爲他之我。文中但遮計爲自我故。又解別緣者是多分義。謂非總緣及六十二見所依我見以外無任運分別二種我見別緣他地爲我者故。其此總緣六十二見時理不應遮緣者所以。依別所以說彼不緣。又解依小乘別緣者不執他地法爲我等。大乘無遮。上地煩惱亦緣下地說生上者於下有情恃已勝德而陵彼故。

上地之惑得緣下地。分別俱生。理俱無失。五十九說於下有情恃已勝德而陵下地亦起慢故。

總緣諸行執我我所斷常愛者得緣下故。

如前已說。此但修道有文證故。總緣起我邊見愛故。此亦有慢別有相故。略而不說。許起見道理亦無失。此決定然。

疑後三見。如理應思。

癡已極成。所以不說。疑及邪見見取戒取。是後三見。如理應思。此中有義。亦得緣下。疑於欲界佛世尊故。或復邪執得有邪見。撥疑下地。苦集理故。得上定已。起彼二取。執欲界聞思昔所起者。爲勝因。故有義不得無文證故。又二見得。行相如前。除邪

見疑。

而說上惑不緣下者。彼依多分。或別緣說。

五十八等云。上不緣下。彼依多分。餘一切時。一切異生故。依別行相緣計爲我邊見及愛。不緣下故。總緣者得。

此十煩惱學等何攝。非學無學。彼唯善故。

第八大門中學者。有學無學。非學無學。然唯第三。非前二種。瑜伽五十七。二十二根中。有學無學。通漏無漏。然彼唯善。此染故非。

此十煩惱。何所斷耶。

明言文音卷三十一  
三十一  
此問也。第九三斷門。

非非所斷。彼非染故。

此卽總答。諸染皆斷。然通見修故。非非所斷。非所斷法。非是染故。

分別起者。唯見所斷。麤易斷故。若俱生者。唯修所斷。細難斷故。

分別皆見斷。以麤易斷故。如對法第三第四卷初說。俱生唯修斷。如前已說。分別俱生之數。各有品類。然見所斷爲同。小乘見四諦斷爲九品斷耶。見所斷十實俱頓斷。以真見道總緣諦故。

下別解斷於中有二。初分別。後俱生分別中。初總  
後別。此初也。此中十種皆俱頓斷。以真見道總緣  
諦故。總緣四諦之真如。真如雖自相觀望諦而說  
並皆緣之名。總緣諦。至下第九斷惑中解。五十九  
說與壞緣諦作意相應。故煩惱雖九品。違一或三  
品智故。非如修生九品諸惑。違九品智故。數數修  
道方能斷之。然除利根由先聞思力。加行以三界  
九地煩惱。上下地九品各各爲類。修道一時總斷  
得第四果。

然迷諦相有總有別。總謂十種皆迷四諦。苦集是彼

因依處故。滅道是彼怖畏處故。

下別解分別。第二迷諦總別。然於見道迷諦煩惱有總有別。總者謂十。皆通迷四諦。卽一一煩惱皆起之時。迷四諦理。又諸煩惱有別行相。如何者是迷苦諦等。此一諦下別行相。謂隨此諦下見疑後生。卽名迷此。若唯爾者。邪見疑癡總迷撥疑四諦及隨此起貪等。此是何諦攝。是故須說此總行相。卽此總迷見疑等。名通迷四諦見疑。隨此見等起貪等。皆名通迷四諦貪等。貪等行相如見等總迷可爾。若別迷行相。是何諦下貪等。貪等不能獨頭。



別迷諦故無隨總行相見等之貪等是別迷諦下  
惑由見道貪等緣見疑生故今此總有二種一數  
總諦各具十故二行相總有通迷四諦故由此二  
二迷有六三三迷有四總迷有一如壞緣念住別  
亦有二二數別三諦有八一諦有十故二行相別  
各各別迷故何以十種皆能迷四諦苦集是十因  
依處故一是因二是依處對法第七苦集是十因  
緣增長此十又爲依處性能隨順生此十故此等  
與大論第八同滅道是彼怖畏處所性不隨順增  
長十種但起迷撥猶豫等事緣此二諦起十惑故

又外道於此二諦起種種分別故皆迷滅道其煩惱起皆具此二緣然總迷者行相總故說具二緣其別行相不說有也據實俱有以行相迷有總別故總謂十種皆迷四諦是數總也因依處等是行相總問如何於集滅道下起身邊二見答此二見行相深執取不了三諦故若爾卽一切我見皆迷四諦應云此執三諦下煩惱蘊等爲二見故別謂別迷四諦相起二唯迷苦八通迷四身邊二見唯果處起別空非我屬苦諦故

集滅道三諦有別行相不共無明迷三諦者故得

成八。身邊二見多計諸有漏果法爲二見。故唯迷苦。唯於苦諦不了行相增故。非是能了餘之三諦。此同小乘唯果處起。然實緣迷三諦亦有二見。緣三諦下所起諸惑爲我等故。然以別緣諦十六行中。空非我二。唯屬苦諦。故不說三諦有此之二見。謂總空非我通四諦爲總緣諦。行方斷惑故。十六行非總行。故言別空非我。屬言屬著。或言攝屬。二言皆得。初解是本。後解無違問。若爾。於集滅諦如何起戒取。答。執彼下見眷屬戒等爲戒取故。如五十八。除二見。一一別說。然對法第七。大論第八。約

總迷諦故十皆迷四諦五十八約別迷四諦故十  
唯迷苦八通迷四二論實不相違總中有行相總  
者緣迷多諦至迷三四名行相總若迷少諦但迷  
一諦名行相別然立一百二十八煩惱唯依數總  
別緣者說若唯依總行相數別說便無一百二十  
八故如相應無明隨不共說此總行相隨別者說  
理亦無失問此十迷四諦爲皆是親迷亦有疎迷  
者爲答此問及顯別行相故次下論文

謂疑三見親迷苦理

以上總解迷諦數別此下卽是迷諦行相別且舉

苦諦謂疑三見等。三見者謂邪我邊親迷苦理。此四行相深取所緣親從不了。苦諦理起。  
二取執彼三見戒禁及所依蘊爲勝能淨。

見戒二取執前三見及俱時蘊爲勝能淨。是見取執彼俱戒及蘊爲勝能淨。是戒取。然無執獨起貪欲癡慢爲見戒取。非見戒故。非此二眷屬故。此之二取雖復行解能深執取。是迷理煩惱。然不親迷無我理等。

於自他見及彼眷屬如次隨應起貪恚慢。  
於自見起貪。他見起瞋。於自他二見起慢。恃己見

陵他見故名隨應皆亦疎迷。

相應無明與九同迷不共無明親迷苦理。

若此九相應無明與前九惑隨所應同親疎迷理不共無明不了苦理故親迷苦理卽十中五別起親親迷苦理五別起不然然二取見法行相深遠能深迷執故可言迷理別起貪等行相淺近不深迷執故何言迷苦理此但迷事不迷於理若爾何故前言十皆迷諦諦有事理無相違失又相應貪等如次下說亦迷苦理故復前言十皆迷諦此苦諦已。

疑及邪見。親迷集等。二取貪等。準苦應知。

於集滅道三。唯有八中。除二見故。疑及邪見。不共無明。親迷集等三諦。然實有身邊別迷三諦。以說八故。略而不論。二取貪等。準前苦說。以二見無故。不唯親迷。

然瞋亦能親迷滅道。由怖畏彼。生憎嫉故。

瞋亦親迷滅道。此意顯瞋無漏緣故。迷理生故。無瞋苦集理。故此不說。但迷無漏之諦理也。由彼親迷二諦起故。此上皆與五十八同。又解雖親緣理。非迷理。惑不深取故。又以不緣理故。便非迷理。但

以行相深遠。取者能迷於理。故見戒取名迷理惑。此解不爾。何處煩惱親緣理生。不名迷理。五十八說。瞋迷滅諦等故。言迷諦者。必是理故。前解爲勝。如下忿等迷諦同故。

迷諦親疎麤相如是。

未盡理故。五十八說亦麤相也。

委細說者。貪瞋慢三見疑俱生。隨應如彼。

疑三見。無明五法。親迷諦理。一取疎遠如前定說。且苦諦下貪瞋慢三若獨頭起緣見生者。疎遠如前說。若此貪慢與三法俱。瞋與疑等四俱起者。隨



應如彼亦名親迷諦慢貪與我見俱生於滅道下  
煩惱後起亦名迷無漏瞋與疑俱起或獨起此約  
數總若數別者除集滅道下二見準前應說若餘  
獨頭起貪瞋慢名迷四諦事若三見疑俱者亦名  
迷四諦理又瞋慢可成無漏緣惑若滅道下無漏  
別緣貪如何說成無漏緣惑由此不說貪無漏緣  
迷則可爾是故言隨應此卽大論等所無也明見  
道已修道云何

俱生二見及彼相應愛慢無明雖迷苦諦細難斷故  
修道方斷

身邊二見及此俱愛慢無明三雖親迷苦諦理以  
行相細難斷故修道方斷與苦諦下二見等別彼  
麤行相故

瞋餘愛等迷別事生不違諦觀故修所斷

瞋及除前二見相應之外餘獨行愛慢及此相應  
無明迷別有情或境事生不迷於理不違四諦觀  
故修所斷簡見道獨行貪等雖有迷於事然違諦  
觀故見所斷此第九大門中有二子門一三斷二  
總別迷諦迷諦親疎兼明迷理事

△次下第十緣有事無事門

雖諸煩惱皆有相分而所仗質或有或無名緣有事無事煩惱。

煩惱心等上說所變皆有相分親所緣者今不取之。但彼本質或有或無名緣有事無事煩惱如下所引有多論文。今取當對法第七身見等及此相應法等無本質名緣無事。餘不與此俱者名緣有事行。以不執我故。此據人執爲論不據法執。法執通餘一切心故。非唯我見。若唯我見及俱法亦通攝法執盡。卽餘四見及疑無法執。必與我見不俱。故便爲大失。此中煩惱何者與我見俱何者不共。

如前自俱有門說問一切皆有本質乃至緣空亦  
有空名爲本質故卽極微教乃至龜毛等名各爲  
本質何故今言無本質名緣無事煩惱答若除影  
外別有所託名本質卽無無本質者今取如名之  
下有所目之質卽有體無之者如空華兔角等故  
今言名緣無事煩惱亦不相違影像本質雙言名  
緣有無之煩惱或直據本質名此二緣煩惱今勘  
無漏緣中不得作此後解所引諸無事有事論文  
應爲門義勤之瑜伽論云又十煩惱見所斷者名  
曰無事彼所緣事非成實故所餘煩惱有事無事

彼相違故。以見道惑以見爲首。所取本質都無有故。重緣惑等相從而說。名緣無事。修道雖有見境無事。多緣事故。從多名緣有事煩惱。下五十九云。諸見與慢是無事。貪恚是有事。無明疑通二種。此以理論見修諸見慢中。我慢本質無故。貪等少故。略而不說。卽彼卷下文云。有事緣謂諸有事煩惱。無事緣謂諸無事煩惱。此文總說亦不相違。亦云無境緣。謂緣分別所計滅道及廣大佛法等所有煩惱。對法第五云。有事境所緣者。謂除見慢及此相應法。餘所緣境界。無事者。謂前所除。同五十九

初文所說次下文云非有所緣謂顛倒心心所及緣過去未來夢影幻等所緣境界此不論煩惱但本境無有所緣謂餘所緣境界卽本質有三性心心所對法第七亦云煩惱有二種謂緣有事無事無事者謂見及見相應法見謂薩迦耶見及邊執見所餘煩惱名緣有事者以通見修此之二見爲首本境實無相應亦爾此文盡理與此文同非瞋等惑可名無事故如樞要說

彼親所緣雖皆有漏而所仗質亦通無漏名緣有漏無漏煩惱

此下第十一有漏緣無漏緣分別如疑邪見無明及此相應瞋慢等法無漏緣者親所緣雖皆有漏而所仗本質亦通無漏唯影像相是有漏故今此但取本影二境名緣漏無漏煩惱準有無事不但取本質與有無事緣別不可爲例。

緣自地者相分似質名緣分別所起事境緣滅道諦及他地者相分與質不相似故名緣分別所起名境自下第十二大門緣自地煩惱依緣俱增名緣分別所起事境此境本質亦由今時分別起故事者體也緣他地及無漏者名緣分別所起名境影像

本質不相似滅道深遠地處遠故依緣不增但尋  
彼名彼名可增故言分別所起名境或復名者卽  
心心所相分之名亦由能分別所起故此如五十  
八五十九對法第六第七抄說有別所以

餘門分別如理應思

謂有無異熟有漏無漏七隨眠攝八纏諸蓋攝乃  
至九品等分別皆如理思

成唯識論述記卷第三十七